

### ՏԱՍՆԵՐԻՆԳԵՐՈՐԴ ՏԱՂԱՇԱՐՔ

Ա .

Ա՛յ իմ փոքրիկ շամամ, քո ծոցուդ, ա՛մ, ե՞րբ տիրանամ.  
Քո ծոցդ է ի ծով նըման, ծովըն դեղ կ'ասես ի ջերման.  
Փոքրիկ մրտեմնիկ լինամ ու մտնում ի ծոցդ ու լողամ,  
Շովերուդ ալ դուրս ելնում՝ ուներուդ շուքըն քընանամ:

Բ .

Չան իր խորոտիկ սուրաթն եմ տեսել ու հայրան եղել.  
Չերեսս ի ծըծին միջին քանի՛ վար եմ թաւլեցուցեր.  
Կ'ասեմ թե՛ Նազ մի՛ աներ, չիկարնաս դու յիմնէն ուժեղ,  
Տըւել եմ քեզ հանց շարպաթ, որ զպասրաթ ու խելթդ է տարել:

Գ .

Կ'ասեմ թե՛ Սիրե՛ դու զիս, մի՛ իմ սիրտըս ճըկըրցընել.  
Թէ չէ գնաս լալով ի շուրջ, չըկարնաս զիս հաշտեցընել:

Դ .

Քո սերդ է արիւն եղել, հաւսար իմ երակս է մըտել.  
Անձիկդ ալ ի ժուռ եկել 'ի հոգուս մէջն է դուրացել:  
Ասի թէ քաշեմ դանակ, արիւնիս ասեմ Արի՛, ե՛լ:  
Մարդ իր դանակ ո՞նց քաշէ կամ հովուն ասե՛ Արի՛, ե՛լ:

Ե .

Հաւսար ի ճօշք են ամել 'ւ ի ոտանց կամին զիս ուտել,  
Ալ դալապ բան չեմ արել, իմ սրտովս ի եար եմ սիրել.  
Թէ շատ թէ ի քիչ ջանամ, զինչ Հախն իմ ճակատս է գըրել.  
Չայս մէկս ալ կամիմ սիրել, թէ հաւսար ի ճօշք են ամել:

Զ .

Չեմ ըզբեզ նենգով սիրել, չեմ ի քո հաղըդ վատ արել.  
Արեւն որ ամէն ալամ է ցաթել, քեզ եմ կամեցել.  
Գիտես թէ ծարւած եմ ես կամ աղբիւրդ ի ջուրն եմ եկել.  
Աս պահս ի գետէն կուգամ, լօք տե՛սըդ եմ կարօտել.  
Իսկի կու կարնա՞ս գիտնալ թէ քանի՛ ինձ ես պիտացել.  
Երեսըս գուն չեմ բերել 'ւ ամօթուտ աս հալն եմ ընկել:  
Ղալտել եմ ու խօսք ասել նայ խայեալ է քեզ թըւեցեր,